

杜

詩

闡

杜詩闡第十三卷目

草堂卽事

徐少尹見過

范二員外

王侍御攜酒

王竟攜酒

陪李司馬

觀作橋成

李司馬

病栢

病栢

枯櫻

枯栢

西郊

丁香

麗春

梔子

鸚鵡

花鴨

野望

三絕句

畏人

可惜

落日

獨酌

少年行

卽事

魏侍御相別

贈別何邕

贈別鄭鍊

重贈鄭鍊

寄楊長史

得張叔卿書

送段功曹

酬嚴公

嚴中丞見過

遭田父泥飲

入奏行

弊廬遣興

和嚴中丞

中丞垂寄

謝嚴中丞

江上值水勢

水檻

短歌行

戲贈友

野人送櫻桃

大麥行

嚴公枉駕

嚴公廳宴

大雨

溪漲

寄高適

杜詩聞卷十三

同學王月藻却非氏

華亭盧元昌文子氏述

武林弟 璉漢華氏訂

成都詩 上元二年寶應元年

草堂卽事

荒村建子月獨樹老夫家雪裏江船渡風前逕竹斜

二句隱承

荒村建子月荒村建寒魚依密藻宿鶯起圓沙

二句隱承獨樹老夫家

濁酒禁愁

得無錢何處賒

卽事結還

建子爲仲冬荒村何以度此老夫本旅客宜與獨樹爲依耳當此荒村建子月大雪滿江何處孤舟問渡朔風

歷逕爲憐瘦竹難支顧此獨樹老夫家似水底寒魚深
潛密藻比灘邊宿鶩倚徙圓沙此時惟酒可以禁愁無
錢不可必得我其奈此嚴冬何○上元二年九月肅宗
制去尊號又去上元年號以建子月爲歲首月皆以所
建爲數因大赦天下公在成都聞朝廷以建子月朔爲
元日受朝賀自傷流落不得躬逢故曰荒村建子月以
見荒村之人身遠北闕
建子改歲荒村所同

徐九少尹見過

晚景孤村僻行軍數騎來交新徒有喜禮厚愧無才

四句見過

賞靜憐雲竹忘歸步月臺何當看花藥欲發照江梅

四句過後

事情

晚景客稀孤村人絕行軍數騎何爲乎來或者故人見
訪今乃新知賁跡也新交固可喜然少尹枉車騎到孤
村其禮意如此厚者慕才故耳奈禮則厚矣愧無才何
顧我靜處孤村雖有雲竹而誰賞月臺一片孰肯步此

而忘歸少尹獨見賞且忘歸耶此時臨江梅蕊垂垂欲
發然未發也何當少尹一盼照江之蕊遂爾欲發然則
花蕊未發欲發者少尹發之爾

范二員外邈吳十侍御郁特枉駕關展待聊寄此作

暫往比鄰去空聞二妙歸幽棲誠簡畧衰白已光輝

四句總寫

野外貧家遠村中好客稀論文或不媿重肯款柴扉

四句反覆

題意期其重過

我方比鄰去此忽二妙來何相左也既往比鄰則缺展
待我之幽棲誠爲簡畧乃二妙來則特枉駕我之衰白
頓覺光輝二妙來簡畧去者家貧故也况又野外二妙
來光輝生者村中嘉客不易得也何幸惠然雖然貧家
誠遠好客誠稀我之論文或不愧於二妙以此卜員外
侍御重款柴扉卽我論文之興亦不孤矣○公欲與李
白論文則曰重與細論文欲與高岑論文則曰論文暫
異輝又嘗與孟雲卿論文則曰孟子論文更不疑茲欲

與吳范論文則曰論文或不愧
想見其讀書破萬卷老興彌篤

王十七侍御掄許携酒至草堂奉寄此詩便請邀高三

十五使君同到

老夫以意謂蕭子白是寒之使君曰

難還過短牆來四句繡衣屢許攜家釀皂蓋能忘折野梅

戲假霜威促山簡須成一醉習池廻四句携酒邀高

值此冬日老夫但貪穩睡而况草堂寒甚非暖不開幾
忘侍御使君有所期約適見江鶴一羣赴暖巧浴鄰雞
幾翼乘暖還來因思繡衣侍御曾許携釀來何暮也皂
蓋使君曾約觀梅肯挈之否繡衣有霜威使君是山簡
草堂即習池我將假霜威
促山簡成此習池勝會云

王竟携酒高亦同過共用寒字

臥病荒郊遠通行小徑難故人能領客攜酒重相看

四句
攜酒

同過

自愧無鮭菜空煩卸馬鞍

二句
自謙

移時勸山簡頭白恐風

寒

公自注高每云汝年幾小且
不必小於我此句戲之也

侍御雖有成約只恐荒郊野徑難辱旌旄耳侍御竟挈
使君載酒而赴但我家貧并無鮭菜有愧於庾郎之二
十七種兩公卸鞍於此殊覺空煩也我借侍御酒以勸
使君顧使君老矣然是山簡我移時頻勸誠恐老人畏
寒酒能敵之使
君何惜痛飲耶

陪李七司馬阜江上觀造竹橋卽日成往來之人免冬

寒入水聊題短作簡李公

伐竹爲橋結構同寒裳不涉往來通天寒白鶴歸華表日

落青龍見水中

四句
橋成

顧我老非題柱客知君才是濟川功

合觀却笑千年事驅石何時到海東

四句歸功於李

橋必累石以言結構伐竹爲之堅密未嘗不同凡以免
厲揭便往來耳况橋柱來白鶴之棲如聞寒語橋影駭
青龍之臥定走賊兵此皆司馬功昔者相如西去題成
都昇仙橋曰不乘驕馬不復過此我自傷顏老久無此
志司馬顧我亦徒然耳若司馬本具濟川才如築巖老
卽今竹橋成人利涉已見一班此則我知之也我陪司
馬合觀橋成於今日伐竹之功想秦皇鞭山之事湯湯
江上此也卽月成茫茫海波彼也何日到不誠可付
笑哉○太康二年大雪南州人見二鶴於橋下曰今寒
不減堯崩年也白鶴用此非丁令威事天后時默廢破
趙州至石橋馬跪地不進但見青龍臥橋上奮迅
而怒乃避去故曰青龍見水中合觀作合觀候

觀作橋成月夜舟中有述還呈李司馬

把燭橋成後回舟客坐時

二句觀橋成

天高雲去盡江迴月來

遲

二句月夜

衰謝扶多病招邀屢有期異方乘此興樂罷不無

悲

四句
有述

把燭觀橋者月未來故也既觀橋司馬遂回舟而邀客
此時舟中所見覺雲氣盡而天體為高江勢闊而月光
未起天高則江迴雲去則月來天高江迴亦橋成後見
其然也雲去月來亦把燭後喜其然也我舟中有述者
一述衰謝之老有負招邀一述樂罷之餘
難期後會以呈司馬司馬能知我情否

李司馬橋了承高使君自成都回

向來江上手紛紛三日成功事出羣

二句李司馬橋了已傳童子

騎青竹總擬橋東迓使君

二句高自成都回

向者橋未成役夫益鉅何紛紛耶乃子來不日橋功遂
成司馬之才過人矣猶憶高使君初適成都攝尹事時
橋未成也橋未成則艤舟待橋既成則策馬迎非司馬
橋了彼童子者安得騎青竹而迓耶○騎青竹暗用郭
事役

病栢

有栢生崇岡童童狀車蓋偃蹇龍虎姿王當風雲會神明

依正直故老多再拜

以上栢盛時

豈知千年根中路顏色壞出

非不得地蟠據亦高大歲寒忽無憑日夜柯葉改丹鳳領

九雛哀鳴翔其外鵬鵠志意滿養子穿穴內

以上栢衰時

客從

何鄉來竚立久吁怪靜求元精理浩蕩難倚賴

四句感歎

此傷君子道衰栢生崇岡據地高矣狀如車蓋托陰大矣以此奇姿幸逢嘉會神欽物仰似可保終豈知蟠結之根難保青葱之色回首崇岡地非不高蔭非不大一旦歲寒無憑柯葉非昨此曷故哉向陟崇岡青青之栢丹鳳呼雛而止今見病栢摧頽哀鳴靡救物傷其類有如此者向陟崇岡童童之蓋鵬鵠就敢過焉今見病栢摧頽穿穴肆虐無良乘勢以傷善類尤可悲者夫栢本不凋今忽至此誠足怪異彼物所倚賴者天耳栢以

孤芳不見庇於天此理茫茫更何倚
賴君子忠見疑信見謗亦若是而已

病橘

羣橘少生意雖多亦奚爲惜哉結實少酸澁如棠梨剖之
盡蠹蟲采掇爽其宜紛然不適口豈止存其皮蕭蕭半死

葉未忍別故枝立冬霜雪積况乃迴風吹以上病橘嘗聞蓬萊

殿羅列瀟湘姿此物歲不稔玉食失光輝冠盜尙憑陵當

君減膳時汝病是天意我愁罪有司以上借橘感載時事憶昔南海

使奔騰獻荔支百馬从山谷到今耆舊悲借客結

此傷積征病民種橘者使有生意故貴乎多既無生意亦少味矣蓋內則蠹蟲爲害外又采掇失宜既不適口皮之空存雖多奚益乃橘雖遭蠹賊其半死之葉尙戀故枝無奈霜雪橫侵回風搖落病橘如此彼蓬萊殿

上御食時江南橘柚厥包錫貢由來已久自蠶蠹爲害
采掇失宜此物蕭條玉食無色雖寇盜充斥君亦憂生
橘病原出於天我心孔悲直罪有司失於培植致物病
國亦病耳夫橘猶荔支往年南海驛使爲貴妃傳送日
不暇給山谷之間馬死無筭至今耆老言及痛心况病
橘不及上供先爲有司蠹賊是病橘較生荔尤苦也

枯櫟

蜀門多櫟櫟高者十八九其皮剝削盡雖衆亦易朽徒布

如雲葉青青歲寒後交橫集斧斤剝喪先蒲柳傷時苦軍

乏一物官盡取

以上悲枯櫟

嗟爾江漢人生成亦何有有同枯

櫟木使我沈歎久死者卽已休生者何自守

以上悲蜀民

啾啾

黃雀啁側見寒蓬走念爾形影乾摧殘沒藜莠

仍挽枯櫟

此悲軍需困民

蜀產櫟今高者止存數株此數株者安保無恙蓋以櫟櫟之生本以其皮今剝削既盡雖

有存者亦易朽也。青青之葉，豈無萌芽斧斤之施。那堪又集嗟爾巴蜀，夙稱富饒，乃誅求孔亟，至搜櫬一物，不能保其皮，盡供軍需。則彼民之不堪，有甚於搜者。其死者，猶已去之皮，其生者，猶重萌之葉。似此誅求，橫加勢必同歸於盡。回首枯懷，黃雀爭呼寒達靡依，形影既乾，藁葬同沒，摧殘似此，蜀民亦無孑遺矣。公爲王閬州進論一表，其中有云：勅天下徵收，赦文減省軍用，外諸邑雜賦名目，損之又損，劔南諸州因而復振矣。枯樓一章，卽是此意。

枯枿

梗枿枯崢嶸，鄉黨皆莫記。不知幾百歲，慘慘無生意。上枝摩皇天，下根蟠厚地。巨圍雷霆折，萬孔蠹蟻萃。凍雨落流膠，衝風奪佳氣。白鵠遂不來，天雞爲愁思。猶含棟梁具，無復霄漢志。良工古昔少，識者亦涕淚。

以上悲枯枿此君子種榆水中

央成長何容易截承金露盤裊裊不自畏

四句諷水榆比小人

此借神自傷 柵欄雖枯蟬噪自在歷年既深鄉黨莫
識誠不知其歲月幾百生意蕭條竟至於此乃其上枝
之高原摩蒼天下根之深原蟬厚地惟是雷霆摧折既
損巨圍蟲蟻紛來又攻萬孔加之衝風凍雨交相剝蝕
故慘然生意頓盡耳在時白鶴天雞棲止其上今枯
枝猶在二鳥如遺棟梁具存雲霄與盡良工孰賞識者
徒憐夫以摩天蟬地之勢專負棟梁霄漢之質如此彼
榆貴不比神豈有蟬噪原其始不過植根水中也乃旦
夕成長截承露盤裊裊然自謂高而不危豈知小材非
大受之器高位有易危之憂雖承露盤亦可畏哉與爲
水榆無寧枯槁也

西郊

時出碧雞坊西郊向草堂

領一章

市橋官柳細江路野梅香

二句承西郊

傍架齊書帙看題檢藥囊無人覺來往疎懶意何

長

四句承
草堂

時從何出蓋自城出碧雞坊也出碧雞坊又何往蓋循
西郊將向草堂也成都有七星橋市橋爲七星之一當
其出碧雞坊必過市橋而細番官槐向草堂歸應循江
路當其出碧雞坊至西郊全乎江路而香勤野梅既歸
草堂舊帙有散亂者傍架齊之藥囊有加減者看題檢
之我出碧雞坊向草堂獨往獨來何等幽僻此意誰覺
惟自知耳大凡營迷之意易覺疎曠之意難覺吾
於疎曠意味偏長所以往來之間竟無人覺云

江詠五首

江詠五首皆托物比况丁香屬春花子
爲一類鵲鵲花鴨爲一類各有所指

丁香

丁香體柔弱亂結枝猶墊細葉帶浮毛疎花披素艷

四句
丁香

深栽小齋後庶近幽人占晚墮蘭麝中休懷粉身念

四句
諷辭

喻柔弱弱者當自守。丁香纖升幸而結實其枝猶整柔弱故也。葉帶浮毛花披素艷以植小園但堪與幽人作緣耳。使晚節不堅掩入胡麻一墜之後隨即粉身此時而念亦云晚矣。抱弱質者宜自裁哉。

麗春

百草競春華麗春應最勝少須好顏色多漫枝條剩

四句麗春

紛紛桃李枝處處總能移

二句應百草句

如何此貴重却怕有人

知二句應最勝句

比人以知希為貴。東芳競媚最勝者誰獨麗春耳。以其少為貴也。麗春雖少顏色自佳若多雖枝條有餘繁不足貴不見桃李之伎到處皆有到處可移夫至可為人移亦何貴乎之有。麗春亦花耳如何若此貴重只是性不因人守其幽僻其所怕者在人知其所全者在人不知矣。

梔子

梔子比衆木人間誠未多於身色有用與道氣傷和紅取

風霜實青看雨露柯

承色有用句

無情移得汝貴在映江波

應氣

易和

喻人貴遠俗。木亦衆矣。梔子不同。誠難得者。難得何
則。大凡物以色勝者。未必合道。道勝者。未必有色。梔子
兼之。夫梔子可取。不在於色。卽以色言。亦染帛有用。梔
子可取。原在於氣。今以氣言。則性冷傷和。人以其色之
有用愛之。又以氣之傷和憎之。豈知梔子之異。不在色
之有用。正在此氣之傷和哉。其實之紅。經風霜而後。其
何之青。在雨露之餘。色之有用。如此。其如氣之傷和而
無情何。夫梔子無情。自甘冷落。人亦不樂與親。往往移
之江波之處。但見紅實青柯。掩映於水光山色耳。然則
物之多情者。不足取其無情者。未可棄傷和何害也。

瀟瀟

故使籠寬織須防動損毛看雲莫恨望失水任呼號

四句戒之

之辭六翮曾經翦孤飛卒未高且無鷹隼慮留滯莫辭勞四句
慰之之辭

意在安於義命 鴻鵠不耐樊籠其籠寬織信有故也
亦防其動即有損毛之患耳看雲之興到此休思失水
之悲到此且忍所以然者六翮既數就使開籠而去任
其孤飛終不能置身雲霄之上故不如安於寬織雖阻
雲霄猶免搏擊則今日留滯亦何足病嗟乎人
誰不在籠中但使籠誠寬織是即浩蕩之恩矣

花鴨

花鴨無泥滓塔前緩步行羽毛知獨立黑白太分明四句

不覺羣心妬休牽衆眼驚稻梁霑汝在作意莫先鳴四句

此即漁父獨清意 物患獨清瞻彼花鴨雖然衆鴨中
緩步自如以爲無患我則憂其羽毛獨立黑白分明耳
獨立則入羣不亂羣心爲妬花鴨覺之否分明則處衆
自別衆眼爲驚花鴨奈何牽之花鴨雖不慕稻梁而寤

汝亦何嘗不在。何必介然作意。自謂有異羣鴨。且然
先鳴。自謂不與羣鴨同。嘿嘿無奇。花鴨慎旃。○左傳平
陰之役。先
二子鳴。

野望

西山白雪三城戍。南浦清江萬里橋。

二句野望所見

海內風塵諸

弟。隔天涯。涕淚一身遙。惟將遲暮供多病。未有涓埃答聖

朝。跨馬出郊時。極目不堪人事日。蕭條

四句野望所感

西山白雪間。舊列三城之戍。此全蜀設防處也。南浦清
江上。只有萬里之橋。此草堂流寓處也。為念諸弟何在。
海內兵戈久矣。分散自顧。一身徒然。天涯寥落。不過羈
棲。少壯尚有為也。遲暮之年。但供多病。頂踵皆君父也。
涓埃之細。未答聖朝。此時跨馬出郊。極目西山南浦之
餘。人事蕭條。不堪甚矣。○自上皇還京。復分劔南為兩
節度。百姓疲於征調。西山三城列戍。高適疏論不納。公
亦嘗為閬州王使君進論。全蜀安危表。是年建辰月。奴

刺寇梁州此時西山三城備兵方嚴公自傷不能為朝廷陳力又念全蜀安危實係京師乃奴刺未已吐蕃又三道分侵欲取成都為東府至明年京師果陷眼中人事所感實多殺賊有心報主無力西山白雪南浦清江何限腸斷

三絕句

楸樹驛香倚釣磯斬新花藥未應飛

二句憐詞

不如醉裏風吹

盡可忍醒時雨打稀

二句怨詞

首傷獨醒 伏樹之倚釣磯者其斬新花藥幸免飄零然終不免與其醒時觸目不如醉裏聽之蓋最無情者風吹雨打極不忘者斬新花藥也○末無名氏鷓鴣天詞不如飲待奴先睡圖得不知郎去時語意出藍于公門外鷓鴣久不來沙頭忽見眼相猜

二句怪辭

自今以後知人

意一日須來一百迴

二句諷辭

次况小人門外鷓鴣非我族類不來可也乃欲入門者其情也久不來者其中必有疑畏忽然一見展轉相猜欲親未敢即親欲遠不肯終遠其相猜之故在於矧伺人意既得人意漸習漸狎一日之間百次不厭噫嘻彼鷓鴣者何妨久不來亦何取其一日百回哉

無數春筍滿林生柴門密掩斷人行會須上菴看成竹

應春

竹客至從噴不出迎

應斷人行句

三喻君子

春筍初生

尚未成竹人跡不斷摧折隨之

故須柴門密掩以斷人行蓋我胸中早有成竹會須看其頭番耳豈無客至亦嫌逢迎夫客至不迎難免於噴畏其噴而迎之客意則拘矣其如春筍摧殘成竹無望何○菴音鱗獨孤及有近口霜毛一番新句

畏人

早花隨處發春鳥異方啼

二句興體

萬里清江上三年落日低

二句畏人之由畏人成小築漏性合幽樓門逕從榛草無心待馬

蹄四句畏人

花鳥本無情之物故隨處皆發異方亦啼人則不然處異地而畏人矣顧此清江之上萬里他鄉落日之低三年客况何樂此浣花小築亦畏人成之耳平生穉性動與時違只合幽樓以終暮齒所以三逕榛草經年不斂上客馬蹄杜門長謝欲如花鳥何可得也

可惜

花飛有底急老去願春遲可惜歡娛地都非少壯時

四句自惜

寬心應是酒遣興莫過詩此意陶潛解吾生後汝嫌

四句自遣

花何事而飛偏急我則老而願春遲願春遲而又地與年相左則春雖遲老彌促也計惟酒可寬心詩堪遣興古人能此者莫如陶潛嘗曰泛此忘憂物遠我遺世情天運苟如此且進杯中物是陶潛能以酒寬心也至於

作詩其達生則賦挽歌其固窮則詠貧士甚而賁子命
子諸作惻怛慈解詠諧戲謔無所不至是陶潛能以詩
道興也所以然者陶潛不屑爲彭澤令棄官歸隱故放
情詩酒以寄傲我不屑爲華州司功棄官遠客故逃名
詩酒以娛老不知者謂是酒人詩人耳知者謂其有大
不得已者托之於此此意惟陶潛解耳惜乎我生已晚
也○公嘗曰陶潛避俗翁未必能達道茲又曰此意陶
潛解我生後汝期天能達道者乃能寬心遺興公於陶
潛師法不暇自恨生晚不獲追隨於柴桑
栗里間前所云未必能達道者誠寓言也

落日

落日正簾鉤溪邊春事幽

二句領至末

芳菲綠岸圓樵爨倚灘

丹暉雀爭枝墜飛蟲滿院遊濁醪誰造汝一酌散千憂

日影忽下近在簾鉤出觀溪邊春事抵暮正幽也芳菲
之土圓綠岸側樵爨之處舟倚灘前况暉雀爭枝不覺
其墜飛蟲出院有似乎遊春事幽如此道此春事亟須
濁醪蓋濁醪可以解憂不知何人造汝有解憂之功臣

是○魏武短歌何
以解憂惟有杜康

獨酌

步屢深林晚開尊獨酌遲

二句獨酌

仰蜂粘落絮行蟻上枯梨

二句獨酌

薄劣慚真隱幽偏得自怡本無軒冕意不是傲

當時

四句獨酌感懷

步屢深林不見何晚開尊獨酌所以遲也林中有蜂絮
落孤蜂獨住其形爲仰林中有蟻梨枯羣蟻爭先其象
成行獨酌時所見如此但我愛此深林者有故昔袁淑
以古之無名者爲真隱似我薄劣能無慚否陶弘景以
嶺上白雲只可自怡似我幽棲庶幾近之雖慙真隱軒
冕之志自顧原無雖只自怡與世相忘非同於傲我獨
酌時感懷

又如此

少年行

馬上誰家白面郎臨階下馬坐人牀不通名姓粗豪甚應

家郎句指點銀瓶索酒嘗應臨階下馬句

此馬上郎果誰家子當階下馬便坐人牀不知為誰家郎者以不通名姓也下馬坐牀欲何為者指點銀瓶索酒嘗耳粗豪如此

郎事

百寶裝腰帶真珠絡臂鞦二句笑時花近眼舞罷錦纏頭

郎事

此舞者腰帶則百寶裝成臂鞦則真珠綴就舞飾盛矣嫣然一笑如花近眼忽焉舞罷親賜纏頭宜也○唐人宴集酒酣為人舞當此禮者以絲物為贈謂之纏頭唐詩云平侯回懷恩酒酣起舞駱奉仙贈以錦纏頭娼妓常筵舞者亦有纏頭喝賜此詩為舞妓作

魏十四侍御就弊廬相別

有客騎驄馬江邊問草堂遠尋留藥價惜別到文場

四句叙其

來入幕旌旗動歸軒錦繡香時應念衰疾書疏及滄浪

四句

叙其法

此驄馬御史何爲到江邊問草堂念我臥病留藥價而
遠尋喜我論文到文場而作別耳作別而去入幕旌旗
猶見其動歸軒錦繡尚聞其香今日留藥價矣此後猶
望念予衰疾今日到文場矣此後庶幾毋有遐心侍御
倘有意焉○到文場近註謂草堂卽文場問卽到旣曰
問草堂不得又曰到文場引蔡氏作倒文場乃傾側其
詩章之謂似悞公遠祖杜預有文庫武庫文庫名文場
文場是公家本色猶王氏青細也公遣問詩時清疑武
淵源夫豈以文場爲草堂近註又以公無自稱文場之
理夫海內文章自命有素
公何不可以文場自任

贈別何邕

生死論交地何由見一人悲君隨燕雀薄宦走風塵

四句何邕

綿谷元通漢沱江不向秦五陵花滿眼傳語故鄉春

四句贈別

當時同患難生死論交者今日都乘時得志眼前流落更無一人阿君在耳君亦失志如燕雀然薄宦不能自振爲綿谷尉也但今日若君由綿谷言歸京師是綿谷之水依然通漢我滯蜀江終遠魏關是沱潛之水不肯向秦秦地有五陵五陵我故鄉五陵之花無復親見但憑君歸傳語故鄉故鄉人情薄矣故鄉人無容傳信故鄉春尚可傳語也○生死論交定主同患難時說但引一死一生乃見交情似及生死論交地卽指五陵

贈別鄭鍊赴襄陽

戎馬交馳際柴門老病身把君詩過日念此別驚神

四句贈鄭

鍊地澗峨眉晚天高峴首春爲于耆舊內試覓姓龐人

四句

赴襄陽

極目風塵戎馬還紛然也無奈柴門吾身已老病何戎
馬交馳此日何日如何可過幸有君詩把吟以度耳柴
門老病我神已傷那堪更驚言念君別不禁愴然耳君
去矣我留此處地濶而峨眉日落我留矣君歸彼處天
高而峴首春晴襄陽我故鄉昔有龐公隱居鹿門君歸
試訪今日耆舊內尚有斯人不○襄陽有耆舊傳故曰
耆舊內

重贈鄭鍊絕句

鄭子將行能使臣囊無一物獻尊親

二句憐薄宦

江山路遠羈

離日裘馬誰爲感激人

二句傷交情

鄭子何爲而歸能使臣故也使臣曰歸將父將母可憐
薄宦罷官欲獻高堂竟無一物此去由蜀至楚江山迢
通行李蕭條庶幾望之裘馬中人乃裘馬
中人雖有而爲鄭子感激者絕無一人也

廣州段功曹到得楊長史書功曹却歸聊寄此詩

衛青開幕府楊僕將樓船漢節旃花外春城海水邊

四句楊長

史銅梁書遠及珠浦使將旋貧病他鄉老煩君萬里傳

四句

得書寄詩

長史府帥如衛青乃長史亦楊僕行將將樓船而出征矣廣州屬梅嶺長史持節必在梅花外廣州近南海長史臨城必在海水邊今者功曹適至長史之書附功曹而達蜀地之銅梁功曹將旋故人之詩附功曹而還廣州之珠浦我頻頻寄詩者誠以貧病他鄉思長史而不見煩功曹於萬里外一傳故人之信云

得廣州張判官叔卿書使還以詩代意

鄉關胡騎遠宇宙蜀城偏忽得炎州信遙從月峽傳

四句得書

雲深驃騎幕夜隔孝廉船却寄雙愁眼相思淚點懸

四句以詩

意

判官我鄉關故人今日鄉關遠隔只因安史作亂耳因而我客蜀郡僻處偏隅君宦炎州更爲荒微何幸今日火州使來忽接判官之札月峽地阻如自意外而傳判官今爲幕僚是在霍驛騎也遙望其幕白雲自深判官昔爲六逸中人是卽張孝廉也因想其船夜景猶隔一雙愁眼淚點空懸無限相思但憑寄語是在使者

送段功曹歸廣州

南海春天外功曹幾月程峽雲籠樹小湖日落船明

四句歸廣

州

交趾丹砂重韶州白葛輕幸君因估客時寄錦官城

四句

期預

廣州度梅嶺近百蠻則在春天外往途應難計日功曹此去當由三峽遙想樹隱峽中籠雲更小功曹此行復過洞庭遙想船浮湖面落日尤明既歸廣州時交趾有丹砂可鍊藥以延年韶州有白葛可驅炎而却暑功曹

隣我衰老藥裹關心念我南居炎燠最早因估客之便
寄此二物使我得延類齒資清涼餘生皆故人賜矣

奉酬嚴公寄題草亭之作

時嚴公初除西川節度
先有詩寄公公酬之也

拾遺曾奏數行書嬾性從來水竹居奉引濫騎沙苑馬幽

棲真釣錦江魚

四句
自述

謝安不倦登臨費阮籍焉知禮法疎

枉沐旌麾出城府草茅無徑欲教鋤

四句
嚴在駕

我昔居諫垣曾上封事乃性嬾居官者祇因平生志在
山林耳當爲拾遺時亦嘗奉引天子不過濫騎沙苑之
馬非有宦情今日愛水竹而幽棲卜築荒花溪上錦江
之魚乃真釣也公固謝安登臨之興自然不倦我爲阮
籍禮法之疎其又焉知惟登臨不倦我知公之旌麾必
臨野亭雖曰禮法疎乎吾之野亭定須開徑以待公果
惠然與否○此作語語都嚴原作嚴曰何須不着勸觀
冠欲公貶節就仕也公曰拾遺曾奏數行書又曰奉引

濫騎沙苑馬蓋謂我嘗奏書我嘗奉引且無意爲天子
侍從何有鵝鵠冠爲嚴曰嬾眠沙草愛風濺嬾眠者嬾
而後眠不嬾則不眠也公曰嬾性從來水竹居曰嬾性
類本性生日從來又非止風濺之愛也嚴曰漫向江頭
把釣竿若以釣竿爲公偶然寄興故曰漫向公曰幽棲
真釣錦江魚曰真釣則非偶然寄興也嚴曰與發會能
馳駿馬必與發后至與不發不至矣公曰謝安不倦登
臨費不倦無須與發也嚴曰莫倚善題鵝鵠賦又曰腹
中書籍胸中曠時後醫方靜處看禰衡傲世嚴殆以公
放誕而托諷却陸腹中書葛洪著肘後方其事尋常
却曰幽時曠靜處看分明諷公炫才躁動欲其藏鋒聯
迹也公曰阮籍焉知禮法疎夫阮籍却曹爽召罷晉武
婚其疎於禮法以酒自賄正善藏其用處公以阮籍自
待嚴亦無煩相諷也嚴曰終須直到使君難公草茅無
徑何使君難之有且曰終須亦期之異且公曰在沐旌
麾出城府草茅無徑欲教錮訓嚴既有意於野亭野亭
之上吾直鋤徑待耳與
酬高適作同一機鋒

嚴中丞枉駕見過

公自注嚴曰東川除西
川敕令兩川都節制

元戎小隊出郊坰問柳尋花到野亭二句川合東西瞻使

節此句節地分南北任浮萍扁舟不獨如張翰皂帽應兼

似管寧寂寞江天雲霧裏何人道有少微星五句

我與公旌麾出府今日果如所期但我野亭敢辱元戎
想公亦為問柳尋花偶然至此公為元戎一人而東西
兩川敕令都節制使節尊矣我在野亭一身而南北流
落秦蜀無定踪浮萍信矣似此浮萍何異扁舟昔者張
翰扁舟聽秋風而去官我應如之不獨此耳似此浮萍
應着皂帽而浮海昔者管寧皂帽攜家居遠我非管寧
應兼似之所以江天之處雲霧旃冥甘心遯跡雖扁舟
皂帽有類少微但似此雲霧江天亦何人道此中有少
微星在不謂元戎忽過野亭亦足異矣○按史綴除兩
川在寶應元年六月是誤以被召時為除職日當以公
註及詩為據又考川合東西兩句註都未確先是至德
二載上皇還京分劍南東西兩川各置節度是兩川始
分也此詩公自註云嚴自東川除西川敕令兩川都節
制是嚴先為東川節度更除西川權攝東川故是年公

說旱云請管內東西各遣一使正以其分而未合故各遣耳嚴武六月被召還朝西川節度高適代之東川使節虛懸但以章襲爲留後至廣德二年正月東西兩川始合爲一道以黃門侍郎嚴武爲節度若謂劍南二川兩合於嚴僕矣此章川合東西但謂其權知兩川事趙注曾云應爲不謬少微卽處士星古之入林客入山深者只爲怕人道有耳何人道有四字語意有味

遭田父泥飲美嚴中丞

步屨隨春風村村自花柳田翁逼社日邀我嘗春酒

四句爲綱

酒酣誇新尹畜眼未見有回頭指大男渠是弓弩手名在

飛騎籍長番歲時久前日放營農辛苦救衰朽差科死則

已誓不舉家走今年大作社拾遺能住否

以上就田翁口中寫出中丞

叫婦開大餅盆中爲我取感此氣揚揚須知風化首語多

雖雜亂說尹終在口

收拾酒酣誇新尹一段

朝來偶然出自卯將及

酉久客惜人情如何距鄰叟高聲索果栗欲起時被肘指

揮過無禮未覺村野醜月出遮我留仍喚問升斗

末段寫足泥飲

觀於鄉知王道今於田父知嚴尹吏治矣我乘春風閱
花柳步履所至何村不然偶值田翁作社邀飲其情事
有可述者田翁酒酣時誇張新尹若曰此新尹我小人
生平未見者回頭而指大男曰往當舊尹久隸飛騎長
番差役無時少休新尹至放歸營農救我衰朽夫我等
差科原應效死特向者舊尹不惜民而久役故輒思走
今日新尹以時使民從此以後誓死則已往年救死不
贖何暇作社今日醉錢大作亦為新尹放歸之故拾遺
不為我留獨不為新尹留乎田翁之言如此於時呼婦
閒鉏捧盆取酒揚揚意氣殊足感人大抵風化之首觀
於人情今田翁一則曰辛苦救衰朽能不遺其親也一
則曰誓不舉家走是不後其君也親親長長風化之大
非新尹有善政何由致此此時田翁酒酣語雖雜亂誇
張新尹始終如一我步履至此不過乘春風問花柳自

節而出至三月未歸所以重違田翁情者入客不忍也未
幾村社散醉言歸田翁索果以贈貽我復被肘而對朕
雖無禮太過而野醜足怨自卯至酉迄於月出還遮留
我而喚大餅升斗之量田翁尚夷然不屑也泥飲如此
○蜀自上皇還京後分勦南爲兩節度百姓罷於調遣
西山三城又列戍焉蜀民籍爲兵者無寧歲矣上元二
年段子璋反將士大掠爲害蜀民既苦寇又苦兵爲吏
者李若幽崔光遠相循乖方讀公枯櫓等詩曰傷時苦
軍乏一物官盡取嗟爾江漢人生成亦何有蜀民長
番不已差科不息安得營農釀錢作社嚴武鎮蜀兩川兼
攝蜀民始稍喘息公是年說旱云自中丞下車軍郡之
政罷弊之俗已下手開濟矣凡百冗長者又已革削矣
合之此詩嚴吏治精能蜀民休息大畧可見又本傳載
公住浣花里好與田峻野老相狎蕩此詩旣曰邀我共
春酒再曰拾遺能住否又曰盆中爲吾
取欲起時被肘狎蕩之趣大是可想

入奏行

時吐蕃窺西山三城四川八州刺史合
兵禦之寶侍御以戰守隄宜入奏朝廷

寶侍御驥之子鳳之雛年未三十忠義俱骨鯁絕代無炯
然一段清水出萬壑置在迎風寒露之玉壺蔗漿歸厨金
盃凍洗滌煩熱足以寧君軀政用疎通合典則戚聯豪貴
耽文儒

以上美侍御以見入奏本領

兵革未息人未蘇天子亦念西南

隅吐蕃憑陵氣頗癯寶氏檢察應時須運糧繩橋壯士喜
斬木火井窮猿呼八州刺史思一戰三城守邊却可圖

以上

入奏之事

此行入奏計非小密奉聖旨恩應殊繡衣春當霄漢

立綵服日向庭闈趨省郎京兆必俯拾

以上入奏承恩

江花未落

還成都肯訪浣花老翁無爲君酤酒滿眼酤與奴白飯馬

青芻

以上歸而燕喜

侍御爲客家兒少年致主忠義性生其直節已彰朝廷
况其才品炯無輟塵卽冰壺蕪漿不足喻者當此夏日
得此二物煩熱洗君軀寧豈非救時之彥以是施諸政
事必能疏通而不膠柱又合典則而不乖方人見其驥
子鳳雛以爲是破聯豪貴未必能疏文儒者今政疏通
合典則藉非文儒安能若是本此入奏其檢察實事亦
惟足兵食策戰守方今兵革未息民懼湯火煩熱甚矣
西南一隅上厯宸慮不寧甚矣彼吐蕃三道入寇竇氏
以文儒用疏通之政檢校戎務應時而施蜀中自卽雅
以抵南蠻地界吐蕃其糧儲皆仰給劍南故須運糧自
繼橋而壯士喜然後斬木於火井而窮猿呼其食足矣
使恭逢八州協力進攻松維三城扼要固守凡此戰守
機宜正侍御今日入奏天子者夫侍御以疏通之政應
時之策進而陳奏計非小也帝嘉乃功恩應渥也緡衣
當霄漢而立果然忠義俱絕代無也綵服向庭闈而趨
不媿驥之子鳳之雛也以侍御遷京兆有如拾芥辭長
安還成都亮不崇朝或者以年未三十之侍御於浣花
五十之老翁有不屑就訪者不然酒爲君醺奴爲君犒
馬爲君秣請爲君賀滅寇成功云○檢校意重在糧觀
公上嚴武東西兩川說云頃者三城失守非兵之過也

糧不足也等句可証又云八州之人願賈勇復取
三城故詩中有八州三城二句滿眼滿酒筒之眼

弊廬遣興奉寄嚴公

野水平橋路春沙映竹村風輕粉蝶喜花暖蜜蜂喧把酒

宜深酌題詩好細論

以上弊廬遣興

府中瞻暇日江上憶詞源跡

忝朝廷舊情依節制尊還思長者轍恐避席爲門

以上奉寄嚴公

弊廬而外斷橋沉水野竹迷村弊廬而內戲蝶娟娟遊
蜂趙趙而况弊廬中人能不把酒有餘情題詩多逸興
乎此時深酌細論亟須公耳公於府中應選暇而過我
我於江上望詞客之遙臨蓋我是朝廷故人公宜加禮
公爲成都地主我所依歸但恐我則期公思長
者之轍公嫌我之席門而回避亦奈之何哉

奉和嚴中丞西城晚眺十韻

汲黯匡君切廉頗出將頻直詞才不世雄畧動如神政簡

移風速詩清立意新

六句頌美嚴公

層城臨媚景絕域望餘春旗

尾蛟龍會樓頭燕雀馴地平江動蜀天濶樹浮秦

六句西

帝念深分閫軍須遠筭緡花羅封蛟蝶瑞錦送麒麟辭第

輸高義觀圖憶古人征南多興緒事業闡相親

八句願望之詞

公本汲黯往年匡君正切乃頻作廉頗之出將外有廉頗內無汲黯矣為汲黯則有直詞為廉頗則有雄畧况吏治文心更有過人者大凡移風不速者政繁冗而不簡也立意不新者詩清雜而不清矣公政簡詩清又如此於時層城一帶景物媚人絕域萬里春光奪目蛟龍會合看旗尾之卷舒燕雀低飛羨樓頭之馴擾近接巴蜀則地涵江體有包絡之形遠莫長安則樹與天平有會歸之勢公勉乎哉帝念之殷深於分閫公當報主也軍須之費遠於筭緡公能恤民矣而况蜀羅川錦貢賦朝廷者仍未嘗乏乃猶寵至若驚其高義若霍驃驍之辭第然而古人不遠我觀圖覽馬伏波為庶幾蓋公今日事業著於兩川猶我祖征南將軍平吳事業著於荆

州時代雖遙與緒真聞相親哉○公論巴蜀安危表有
劍南自用兵以來稅歛則殷部領不絕瓊林諸庫仰給
最多諸語可知撫蜀者宜輕土物以來遠人史言
嚴武在蜀厚賦歛窮奢侈軍須等句諷之勉之

中丞嚴公雨中垂寄見憶一絕奉答二絕

雨映行宮辱贈詩

點雨中垂寄

元戎肯赴野人期江天老病雖

無力強擬晴天理釣絲

三句寫奉答之意

中丞節鉞適近上皇行宮對雨題詩貽我野老詩則貽
矣不識野老之期中丞亦肯赴否但恐非尚書之期未
必肯耳肯赴雖江干病夫準擬天晴強理釣以待云
元戎來理釣絲以待公益謂年力雖衰絲綸尚在云
行宮後爲郭
英又借居

何日雨晴雲出溪白沙青石洗無泥

承前強擬晴天句

只須伐竹

開荒徑拄杖穿花聽馬嘶

承前肯赴野人句

我擬晴天把釣相待但不知何日果晴晴則雲隨雨散
白沙青石間洗拭而待元戎矣我野人更無他事但須
伐竹開徑拄杖穿花此日浣花溪上忽聞馬嘶是元戎
枉駕時吾且傾耳聽矣○非知已前曰會須上番看展
竹客至從喚不出迎是知已此曰只須伐竹
開荒徑拄杖穿花聽馬嘶公豈一味杜門者
謝巖中丞送青城山道士乳酒一餅

山餅乳酒下青雲氣味濃香幸見分鳴鞭走送憐漁父三

句送下洗盞開嘗對馬軍公自注軍州謂驅使騎爲馬軍

乳酒出青城山上道士不自私下青城貽中丞中丞亦
不自私遣馬軍送漁父我惟有對馬軍洗盞開嘗耳大
夫有賜不敢虛也○開嘗對馬軍亦見公肺腑
洞達坦然對人隱用羊祜飲陸抗酒而不疑意

江上值水如海勢聊短述

先曰江上值水如海勢盞觸目水勢浩瀚驚人也次曰
聊短述短述非述水勢述已作詩之指偶因水勢自心作詩

爲人性僻耽佳句語不驚人死不休老去詩篇渾漫興春

來花鳥莫深愁

四句先寫聊短述意

新添水檻供垂釣故着浮槎替

入舟

二句水勢

焉得詩如陶謝手令渠述作與同遊

以作詩結

作詩何必耽佳句作驚人語耶今老矣回首平生自悔其非所以今月詩篇漫興爲多寄言花鳥從此語都平濟無用深刻亦不必爲我深愁也驚人佳句久不復作豈尚有往日才情如江上水勢浩瀚橫溢者且此水彼自如海勢吾只添檻供垂釣而已彼自如海勢我只浮槎替入舟而已水如海勢何等驚人添檻浮槎留中眼中已不見所謂如海者何憂之有卽作詩之法可知矣細想陶謝二公其爲詩不可及處正在不作驚人句今日安得詩手如陶謝二公者今渠述二公之作我與同遊哉○陶謝詩如採菊東籬菊雖池塘春草等句儘自平澹本嘗驚人公曰性僻耽佳句正是少年習氣目擊狂瀾不覺自失故題曰江上值水如海勢聊短述

水檻遣心二首

去郭軒楹敞無村眺望賒

二句領至末

澄江平少岸幽樹晚多

花細雨魚兒出微風燕子斜城中十萬戶此地兩三家

近市之居多湫隘去郭則軒楹敞稠密之處妨遠覽無村則眺望除眺望何如凭檻看江喜其平而少岸臨江窺樹愛其晚而多花况疎雨點江魚淦淦而欲出江風拂燕燕舟舟而能斜檻外之景如此但我所居已去郭矣去郭何有於十萬戶且無村矣無村正不厭此兩三家吾心於此少遣哉

蜀天常夜雨江檻已朝晴葉潤林塘密衣乾枕席清

以水檻上

不堪祇老病何得尚浮名淺把涓涓酒深憑送此生

四句遣心

蜀有漏天常常夜雨我凭江檻喜得朝晴常夜雨故葉潤林塘之景加密已朝晴故衣乾枕席之氣能清夫心所難遣者以多老病也賁浮名鮮大用也坐此二者此生無住著而無從離送也今老病浮名盡付涓涓之酒涓涓之酒雖淺所托之意甚深愿此以送浮生罔然水檻之上此心終得自遣耳○結二語即斷送一生確有

意

短歌行贈王郎司直

王郎酒酣拔劍斫地歌莫哀

領起下數句

我能拔爾抑塞磊落

之奇才豫章翻風白日動鯨魚跋浪滄溟開且脫劍佩休

徘徊

四句慰之欲其莫哀

西得諸侯掉錦水欲向何門跋珠履仲宣

樓頭春已深青眼高歌望我子眼中之人吾老矣

五句勸之欲其

莫哀

王郎酒酣時拔劍而歌氣何壯哉歌則歌矣莫哀可也

莫哀者爾有奇才如豫章如鯨魚今抑塞磊落不能自

伸者能拔之使之翻風跋浪何哀之有然則今日者拔

劍而歌亦不必也且脫劍佩王郎尚有徘徊之意者得

諸侯似亦足矣彼朱門雖多珠履難踞王郎徘徊未定

者欲向何門耶王郎得諸侯棹錦水是王粲樓頭春色
正深此我青眼高歌獨望我子我老矣眼中之人匪我
思存王郎何必以奇才見屈合此他適亦終莫哀可
也○歌莫哀王郎之歌高歌乃題中之短歌須分曉

戲贈友二首

元年建巳月郎有焦校書自謗足膂力能騎生馬駒一朝

被馬踏唇裂板齒無

六句戲贈

壯心不肯已欲得東擒胡

二句正言

纔建子月又建巳月矣時事無足紀可笑惟有焦校書耳校書自謗多力能騎生駒何為反被馬踏唇裂板齒折也雖則被踏其壯心不休若曰吾欲得生駒騎之東擒史朝義何其壯哉○肅宗於上元二年以十一月為建子月公有荒村建子月句寶應元年建巳月肅宗病劇復以建寅月為正月建巳月以後月數皆如其舊公復有元年建巳月句中間建丑建寅建辰建卯等月都不著獨於建子建巳紀其起訖故稱詩史

元年建巳月官有王司直馬驚折左臂骨折面如墨驚駘

漫染泥何不避雨色

六句戲贈

勸君休歎恨未必不爲福

二句慰之

建巳月之可笑者不獨焦校書又有王司直亦爲馬蹶折臂蓋因遇雨故司直何不少避爲此泥中耶雖則折臂古有羊祜曾爲三公禍今福所倚今日司直未必非福何歎恨之有○人生得失如塞翁之馬得不必賀失不必弔惟達者弔其可賀故趙氏得左人中人兩城而憂賀其可弔故柳子厚以王參元失火若果蕩焉泯焉爲尤可喜也

野人送朱櫻

西蜀櫻桃也自紅野人相贈滿筠籠數回細寫愁仍破萬

顆勻圓訝許同

四句題而

憶昨賜霑門下省退朝擎出大明宮

金盤玉筯無消息此日嘗新任轉蓬

四句感懷

我向謂寢園薦新有此櫻桃之紅不圖西蜀野人其能滿贈者櫻桃也自紅也禮器之滌者不寫其餘皆寫

不欲手澤之漬，筠籠爲不可洗滌之物，故須寫乃不敢輕寫而細寫，不敢驟寫，幾回細寫，愁其仍破者，不以野人賄忽之也。此筠籠中櫻有萬顆，寫器之餘，勻圓一色，豈獨今日，猶憶我在諫垣時，侍臣沾宴，分食尚方，退朝出宮，擎歸滿器，此叨聖天子金盤玉筋之餘也。放逐以來，金盤玉筋久無消息，不謂他鄉流落，還得嘗新，所由賭物不勝興感耳。寶應元年建巳月上，皇肅宗相繼貞天公在成都感時傷心，故賭櫻桃，愴懷曰：金盤玉筋無消息，有編此詩於廣德二年，謂公憶去年十月吐蕃逼長安，代宗幸陝，公遠客成都，未知消息，因野人之贈，忽思今日王食有此時物否？謬矣。微論廣德年間公在東川，與西蜀無涉，卽是年公傷春五首，已自注云：巴閬僻遠，傷春罷始知春前已收宮闕櫻桃爲孟夏之物，此時尚未知消息，不幾與自注相左。

大麥行

大麥乾枯小麥黃，婦女行泣夫走藏。東至集壁西梁洋，問

誰腰鎌胡與羌。

四句時事

豈無蜀兵三千人，部領辛苦江山長。

安得如鳥有羽翅托身白雲歸故鄉

四句有感

兩麥成熟正可刈獲歸泣夫走南麥齋盜矣奴刺橫行
衝突於梁洋集壁十二州無不腰鎌刈麥者昔年麥莊
之誦將又見於此處寇亂如此豈無蜀兵可以防禦奈
部領辛苦奔走既罷而江山長何在蜀中處此時勢
自歎身非鳥羽乘雲可飛迨迨故鄉安得旋歸避此寇
亂也○寶應元年春奴刺寇梁州梁州觀察李勉棄城
走以賊希讓代之蜀兵
三千當赴希讓軍前

嚴公仲夏枉駕草堂兼攜酒饌得寒字

竹裏行厨洗玉盤花邊立馬簇金鞍非關使者徵求急自

將軍禮數寬

四句嚴公攜酒饌枉駕

百年地僻柴門迥五月江深

草閣寒看弄漁舟移白日老農何有罄交歡

四句自建

竹裏何處忽見行厨繹絡乎洗玉盤蓋由將軍枉駕載
酒尋歡花邊簇金鞍已到矣公而枉重人謂公求我

之急乃殊不然不過在車騎交歡故人禮數之寬我自
識之耳顧我草堂為地甚僻自外長此百年聊以卒歲
況錦江片水五月猶寒在公酒饌之餘看弄漁舟坐移
白日在我野亭之內老農何有足罄交歡公真在重哉
○老農何有舊註謂公自言家貧固陋一說中丞膺節
制之尊何有於老農亦非公蓋謂老農何有才能足佐
中丞乃罄交歡如此即豈有文章驚海內漫勞車馬到江干意

嚴公廳宴同詠蜀道畫圖得空字

日臨公館靜畫列地圖雄

二句嚴公
廳畫圖

劍閣星橋北松州雪

嶺東華夷山不斷吳蜀水相通

四句詳寫
蜀道地圖

興與煙霞會清

等幸不空

結還宴與
同詠意

縣事畫屏江山森列盡在此地圖中矣地圖中據險若
劍閣近界星橋扼要如松州遠控雪嶺况華夷雖別山
勢不分吳蜀雖遙水道原接星橋北莫以近而疎其防
雪嶺東其以遠而弛其守山勢不斷則當慮其闕入水

道相通則當固其封疆地圖如此但我身在公館興入
煙霞所幸清尊不空得與公同詠此蜀道畫圖云爾
劍閣爲中原門戶松州當吐蕃要衝蜀水之源皆發夷
地山亦聯屬防守最難近者吐蕃寇成都奴刺寇梁洋
集壁亦孔亟矣岷山稟江由荆至揚吳蜀之水原合以
之運漕江淮可通梁洋以之用兵長江可通巴蜀此上
元二年置南都以扼吳蜀之衝也時吳地廣陵潤州諸
郡自劉展亂後元載搜括貨產江淮一帶民皆嘯聚山
澤州縣不能制吳蜀水相通公有隱憂焉題
曰同詠蜀道畫圖蓋欲嚴公觀詩得其意也

大雨

西蜀冬不雪春農尚噉噉上天回哀眷朱夏雲鬱陶執熱
乃沸鼎織絺成縕袍以上雨候風雷颯萬里霈澤施蓬蒿敢辭

茅屋漏已喜黍豆高三日無行人二江聲怒號流惡邑里

清矧茲遠江臯

以上大雨

荒庭步鵲鶴隱几望波濤沉疴聚藥

餌頓忘所進勞則知潤物功可以貸不毛陰色靜壠畝勸

耕自官曹四鄰出耒耜何必我家操以上雨後情事

冬有積雪則春有小雨西蜀去冬無雪春農宜嗷嗷哉
乃天眷忽回夏雲鬱起熱彌極雨將作矣俄而風雷施
沛澤降茅屋雖漏黍豆得甦道絕行踪江無靜响何惡
不洗靡遠不清雨大如此我狎鵲鶴於庭前望波濤於
几上沈疴減藥物忘况潤物之功無有不及不毛之地
借雨能生雨之為功大矣夫大雨之後力耕為急但勸
農自上官曹勤於勸斯甸徒力於耕小人勞力而食人
君子勞心而食於人彼操耒耜者自有四鄰耳我曹何
與亦共享夫眷可已○孔丘斥學稼孟軻闢並耕從來
大經濟人不為一身一家謀公曰四鄰出耒耜何必我
家操此等語意與灌園抱甕人自別
是年蜀地大旱公有說旱上嚴武

溪漲

當時浣花橋溪水纔尺餘白石明可把水中有行車四句漲前

秋夏忽泛溢豈惟入吾廬蛟龍亦狼狽况是鼉與魚

四句張

前晨已半落歸路跬步疎馬嘶未敢動前有深填淤青青

屋東麻散亂床上書不知遠山雨夜來復何如

八句張退復雨

我

遊都市間晚憇必村墟乃知久行客終日思其居

結寓思歸意

猶憶溪水未漲前浣花橋下石可把車可行也入秋泛

溢幾壞我廬困及蛟龍何况魚鼉日來溪漲半落跬步

可通然填淤尚深匹馬難渡是我歸途還阻也隔溪遙

望想見浣花橋處麻生縱橫浣花堂內琴書散亂而况

遠山之雨夜來復作我廬此際又當何如我晨遊都市

晚向村墟者蓋由久行之客思家不置無奈漲雨連作

阻人歸

轍何

寄高適

楚隔乾坤遠難招病客魂

二句喚動歸意

詩名惟我共世事與誰

論北闕更新主南星落故園定知相見日爛熳倒芳尊

六句

寄詩之意

庸蜀舊隸楚我身霸此與長安之日月遠矣病客之魂何日而招猶幸有子在耳子之詩名非我誰共豈獨詩名卽當今世事舍子誰可與論者今日新君踐祚我輩可以還朝老人星明故園可以聚首夫豈軋坤終遠病客終羈也他日相見共倒芳尊有不爛熳之極哉○黃鶴曰是年代宗卽位高適官於蜀召還故曰南星落故園按史適召還在廣德二年松維失守後南星卽南極老人星公與適皆舊臣宜曰老人星

杜詩闡卷十三 終

杜詩闕第十四卷目

送嚴公

送嚴侍郎

奉濟驛

送李使君

苦戰行

去秋行

觀打魚歌

又觀打魚

越王樓歌

海棕行

姜楚公畫鷹

宗武生日

悲秋

客亭

客夜

九日登梓州城

九日寄嚴大夫

戲題寄漢中王

翫月

相從行

嚴氏溪

述古

光祿坂

客舊館

秋盡

野望

冬到金華山

陳拾遺故宅

謁文公

贈李四丈

早發射洪

通泉驛

過代公故宅

觀壽壁

通泉縣

陪王侍御宴

攜酒泛江

杜詩開卷十四

同學王日藻却非氏繼

華亭盧元昌文子氏述

武林弟 璉漢華氏訂

自成都往綿州至梓州詩

寶應元年

奉送嚴公入朝十韵

鼎湖瞻望遠象闕憲章新四海猶多難中原憶舊臣

四句入朝

之與時安反側自昔有經綸感激張天步從容靜塞塵

四句

湖其前功南圖回羽翮北極捧星辰漏鼓還思晝宮鶯罷嘯春

空畱玉帳術愁殺錦城人

六句去後之思

閣道通丹地江潭隱白

蘋此生那老蜀不死會歸秦公若登台輔臨危莫愛身六句

奉送
情事

痛哉立肅二宗相繼賓天鼎湖渺渺瞻望勿及然新吉
嗣服象闕憲章又一番新矣今日朝義未滅國難方殷
公爲先帝舊臣中原尙煩整頓而公安反側樹經綸天
步張寒摩靖功已見于前則後效可卜也因之莅蜀未
久羽翮頓回外任幾時星辰再捧公入朝矣如蜀人去
後之思何于時漏鼓寂然誰爲傳畫宮鶯淒絕不忍轉
春玉帳之銜空畱錦城之人愁殺豈獨蜀人卽如我者
不得與公同趨丹地可堪流落尙隱江潭然巴蜀難居
此生那老長安舊地會須言旋公此去已陟崇班必登
台輔他日身臨國難莫惜頂踵我臨歧贈言意盡此矣
送嚴侍郎到綿州同登杜使君江樓宴得心字公自注杜

使君乃
宗人也

野興每難盡江樓延賞心歸朝送使節落景惜登臨

四句
總起

稍稍煙集渚微微風動襟重船依淺瀨輕鳥度層陰檻暖

背幽谷窓虛交茂林燈光散遠近月彩靜高深

以上寫城

擁朝來節天橫醉後參窮途衰謝意苦調短長吟此會其

能幾諸孫賢至今

點宗人

不勞朱戶閉自待白河沈

以上送別之情

野興優矣况有江樓足延賞心惟是我公歸朝來送使節惜此登臨落景難久也日暮而遠渚煙浮樓高而披襟風快涓涓淺瀨彩鷁還依杳杳層雲晚禽未返臨喜其峻背谷則明窓愛其虛交林則暗俄而疎燈幾點烏榜皆懸明月片輪江天一色送別者綿州城外擁節未還與宴者易道天邊橫參欲落我本依公公去此別真爲窮途此詩真成苦調而况後會難必猶幸使君尚在宗人有托耳由落景至月靜由參橫至河沈天已曉戶休閉終宵送別情緒如此

奉濟驛重送嚴公四韵

遠送從此別青山空復情幾時杯重把昨夜月同行列郡

謳歌惜三朝出入榮

六句重送

江村獨歸處寂寞養殘生

二句自嘆

我送嚴公由成都至綿州奉濟驛青山猶在故人將分亦空復多情耳此後酒盃重把不知幾時猶想月下同行已成昨夜公去乘兩川列郡謳歌思慕竟不能隔公去矣歷仕三朝出將入相誰復能比所難爲情者老夫耳從此江村歸處寂寞殘生誰爲我故人者重過草堂話舊也

送梓州李使君之任

公自注故陳拾遺射洪人也篇末有云

是年七月徐知道反劍南以兵守要害距嚴武不得進公亦不能歸成都將有梓州之役此送李使君之梓州任籍甚黃丞相能名自穎川近看除刺史還喜得吾賢

四句除刺

史五馬何時到雙魚會早傳老思筇竹杖冬要錦衾眠不

作臨岐恨惟聽舉最先火雲揮汗日山驛醒心泉

以上遇送

害陳公殞于今蜀道憐君行射洪縣爲我一潸然

結還自注意

使君除梓州刺史卽頴川黃霸梓州有賢守矣計使君五馬到梓正使君雙魚抵綿但我所望于使君者豈特雙魚庶幾射節竹爲我扶老需貽錦衾爲我禦寒計然則臨岐有何恨惟側耳聽君他日課最被舉耳此行也火雲赫赫揮汗爲煩泉水涓涓塵心可醒顧臨岐雖無恨而此別有係懷者蓋以梓州屬邑射洪有陳子昂其父昔年爲段簡所辱子昂欲報父仇反爲所害蜀人至今憐之君按部至邑當爲我而一潸然也○節竹與錦東川所出公將入梓托意二物謂使君如杖可倚如衾可庇又似謂梓人得使君扶持衽席之如杖如衾姑寓意于已欲得此二物如任棠置蓋拔薤抱兒當戶意

苦戰行

苦戰身死馬將軍自云伏波之子孫干戈未定失壯士使

我嘆恨傷精魂

四句傷死後

去年江南討狂賊臨江把臂難再

得別時孤雲今不飛時獨看雲淚霑臆

四句痛生前

我在綿州猶憶苦戰身死此馬將軍者非他人自言我是伏波之後奈何干戈未定便失壯士將軍精魂竟安往耶將軍何為苦戰身死蓋因去年在賊段子璋作亂綿州將軍曾奉命討賊彼時臨江把臂與我作別今日惟有一片孤雲冉冉還在一若凝結不忍飛者誠傷將軍死難耳我看雲之際想像精魂能不涕泗沾襟也已○上元二年四月段子璋反舉兵襲節度使李兵于綿州馬將軍必李兵牙將死難綿州者黃鶴謂即馬巴州非也按公奉別馬巴州詩自注時甫除京兆功曹在東川已廣德年間與段子璋反時無涉且奉別詩曰勲業終歸馬伏波茲苦戰行又曰自云伏波之子孫語意不應如此乖舛

去秋行

去秋涪江水落時臂槍走馬誰家兒

二句憶生前

到今不知白

骨處部曲有去皆無歸遂州城中漢節在遂州城外巴人

稀戰場冤魂每夜哭空令野營猛士悲

六句傷戰死

往時死難不獨馬將軍去秋在賊未反涪江木落時槍走馬者又誰家兒至今白骨沙場不知其處可憐一時部曲自綿州去不見從遂州還也彼時遂州城中將軍之漢節猶在奈遂州城外巴人之救援無聞致使骨埋戰場魂號永夜野營猛士撫事而悲亦何益矣○鮑欽止以此章爲指嗣號王巨按史段子璋反遂州刺史嗣號王巨脩屬郡禮迎之被殺既爲遂州刺史不得云部曲有去皆無歸既脩郡禮迎賊不得云遂州城中漢節在鮑說誤

觀打魚歌

時公因徐知道之亂留綿州借打魚諷爲人上者不宜虐民激亂

綿州江水之東津魴魚鰕魚色勝銀魚人漾舟沉大網截江一擁數百鱗衆魚長才盡却棄赤鯉騰出如有神潛龍

無聲老蛟怒迴風颯颯吹沙塵

以上觀打魚

養子左右揮霜刀

鱸飛金盤白雪高徐州禿尾不足憶漢陰槎頭遠遁逃魴

魚味美知第一既飽歡娛亦蕭瑟君不見朝來割素髻咫尺

波濤永相失

以上諷打魚者

打魚者以魴魚味美洋舟沉網截江橫取魴魚之外卽爲常才殊不知魴魚之外又有赤鯉赤鯉之外又有蛟龍彼赤鯉者其出有神彼蛟龍者其怒已甚一旦迴風颯颯吹沙肯去夫豈打魚者可得取也打魚事畢因而作魴嗟爾魴魚纔出漁網便罹饕餮刀揮霜刀而鱸鱖飛登金盤而白雪聚其味之美覺徐州禿尾漢陰槎頭舉不足道魴魚自傷味美致供食饕豈知味雖美也一飽之後魴魚安在獨惜爲魴魚者素髻緩判波濤永失彼爲漁人者亦何忍使魴魚有失水之痛哉○赤鯉等句喻爲人上者但知鞭撻愚民其傑黠豪雋者原不受其迫脇有棄此而去如此赤鯉與老蛟潛龍者

又觀打魚

蒼江漁子清晨集設網提綱萬魚急能者操舟疾若風撐
突波濤挺叉入小魚脫漏不可紀半死半生猶戢戢大魚
傷損皆垂頭倔強泥沙有時立

以上觀打魚

東津觀魚已再來

主人罷鱸還傾杯日暮蛟龍改窟穴山根鱣鮪隨雲雷干
戈兵革鬪未已鳳凰麒麟安在哉我徒胡爲縱此樂暴殄

天物聖所哀

以上諷打魚者

打魚者清晨更集設網提綱勢欲盡取爲快或操舟或
挺叉萬魚急矣彼打魚者將一網而盡豈知小魚脫漏
不可紀極大魚倔強有時直立打魚者亦何益哉我于
東津已經縱觀今日再來又復傾酒一若樂此打魚之
事者豈知蛟龍已徙窟宅而他走鱣鮪亦隨雲雷而遁
逃不獨小魚脫漏大魚倔強也今日兵革未休民生塗

疾何以異此夫破卵則鳳凰不來殺胎則麒麟不至爲
人上而貪害害民有鳥獸散耳我徒念此亦宜慘然何
爲罷歸傾盃屢縱此樂暴殄天物
聖人所哀東津主人亦可省矣

越王樓歌

綿州州府何磊落顯慶年中越王作孤城西北起高樓碧
瓦朱甍照城郭樓下長江百丈清山頭落日半輪明

六句樓

君王舊跡今人賞轉見千秋萬古情

二句作歌之意

綿州州府何其磊落蓋由高宗顯慶年間越王封此故
也府中西北更建高樓夫州府城郭既已磊落照以碧
瓦朱甍又加壯焉其樓下則有長江凭樓望之百丈清
也其山頭則有落日倚樓眺之半輪明也今日長江自
清落日自明越王安在獨此樓舊跡在耳夫舊跡何足
憑惟千秋萬歲後其人情或悲或憤或思慕或諷刺所
係于人情不同舊跡因之有異卽越王可知矣○撫碑
峴山墮羊公之淚鼓琴石仰笑恒魑之愚轉見千秋萬

古情七字中，多少衮鉞越王。
于則天時，曾興兵討武后者。

海棕行

左綿公館清江濱，海棕一株高入雲。龍鱗犀甲相錯落，蒼

稜白皮十抱文。

四句海棕

自是衆木亂紛紛，海棕焉知身出群。

移栽北辰不可得，時有西域胡僧識。

四句托感

涪水所經處，昔居其右，綿居其左。左綿舊有公館，公館舊有海棕，海棕止一株，落落自異，但見其高入雲而已。望之者爲龍鱗爲犀甲，錯落莫辨。若犀甲是蒼稜也，若龍鱗是白皮也，十抱成圍，一何巨哉！惜乎雜處衆木，負此殊姿，彼長安上直北辰，正須此木爲棟梁，需今衆木紛紛，海棕落落，誰爲移之？北辰上者，庶幾胡僧法眼，過而識之，大才淪落，世無知已，率此海棕類也夫。

姜楚公畫角鷹歌

楚公畫鷹鵬戴角殺氣森森到幽朔二句觀者貪愁掣臂

飛畫師不是無心學此鷹寫真在左綿却嗟真骨遂虛傳

梁間燕雀休驚怕亦未搏空上九天六句觀

畫者

姜楚公校其畫鷹必戴角形像已殊况殺氣森森直薄幽朔其傳神又如此此皆苦心所至故雖畫鷹一若掣臂能飛者彼觀者徒愁其形神絕似掣臂飛去亦曾一鑒畫者苦心否今此鷹真蹟畱于左綿有此真蹟真骨反不足貴惟其然不但觀者貪愁直令燕雀驚怕寄語燕雀不須驚怕今日尚未搏空上天耳有日焉搏空上天即搏擊不難豈但驚怕已哉○觀者之人猶梁間燕雀觀者之人愁其掣臂飛猶梁間燕雀怕其上九天觀者徒駭其掣臂能飛不察其苦心獨至誠然皮相誠然梁間燕雀之見不說搏空上九天却說亦未自負念高

宗武生日

小子何由見高秋此日生

點生日

自從都邑語已伴老夫名

詩是吾家事人傳世上情熟精文選理休覓絲衣輕以上叙家

學

凋瘵筵初秩欹斜坐不成流霞分片片涓滴就徐傾以結

祈之

我因徐知道亂不得歸成都小子宗武何日得見今日
八月高秋正其誕日憶自都邑傳言以小子係老夫之
子每一話及與老夫金稱夫小子何知雖詩爲家學自
我祖膳部相傳淵源已遠而人言小子宗武爲知詩者
特徇情則然耳我所期者文選是我家學尙須熟精彩
衣不過兒戲且教休覓今日是汝誕期念汝病餘形神
凋瘵筵初秩雖扶坐立欲斜尙酌流霞之酒徐徐細傾以
遺此目同長生可也公贈畢曜詩曰流傳江鮑體又
水閣詩曰遺兒誦文選此云熟精文選理誠非泛語瑞
溪集云子美宗法文選撫其英華旁羅曲檠爲吾語
又用以訓其子愚以世人徒拾其辭未精其理公曰精
其理直欲棄糟粕取神明卽昭明畧蕪穢集精英意項
曼卿脩道入山遇仙人以流霞飲之輒不
飢公以却病延齡祈宗武故末句云然

悲秋

涼風動萬里

一句秋

羣盜尙縱橫家遠傳書日秋來爲客情

愁窺高鳥過老逐衆人行始欲投三峽何由見兩京

七句悲秋

悲哉秋之爲氣涼風自萬里而動乃成都群盜尙縱橫未靖耶涼風而動萬里家誠遠矣所憑者傳書耳家遠傳書未知何日得達也群盜而尙縱橫我終去家爲客矣我爲客之情當秋來益不能禁耳家遠傳書則不如高鳥之飛意南意北瞬息可到秋來爲客則彌嘆身世之拙一身將老隨復因人雖然離家矣尙有迎家之日去國矣終無歸國之期况從此而往始欲投峽則去涼更遠西歸難問悲秋之情爲何如哉

客亭

秋窓猶曙色木落更天風

二句領至末

日出寒山外江流宿霧

中聖朝無棄物老病已成翁多少殘生事飄零任轉蓬

秋窗上還留曙色無奈木落時又遭天風曙色何如日出矣初在寒山外江流矣尚于宿霧中曙色然矣客亭中人何以爲情自傷身爲棄物幸生聖朝已成老翁那堪多病雖聖朝無一物之可棄乃老病爲白棄之殘生惟有零落飄搖任其蓬轉不猶木落更遭天風哉

客夜

客睡何曾着秋天不肯明入簾殘月影高枕遠江聲

四句客夜

情計拙無衣食途窮仗友生老妻書數紙應悉未歸情

四句

客夜感懷

睡本易着客睡則難着天亦易明秋天則難明何曾着非無故也不肯明似有意也此時簾間月影去矣難與枕上江聲來於何處我客夜如此者自傷計拙途窮耳計拙難望衣食于友生途窮又以友生爲衣食顧我未歸之情亮無人悉庶幾老妻題書數字曾達與否未可知也

九日登梓州城

伊昔黃花酒如今白髮翁追歡筋力異望遠歲時同

四句九日

城弟妹悲歌裏朝廷醉眼中兵戈與關塞此日意無窮

承望

遠說

往年九日但醉黃花酒耳今日登城早成白髮翁矣嗚
昔之歡豈不欲追而筋力已非家國之遠何常不望而
年歲如故望遠何在一望弟妹在悲歌裏耳存亡不可
知矣一望朝廷只醉眼中耳理亂豈能悉也所以然者
兵戈未息關塞又阻之關塞既遙兵
戈又擾之無窮之意百端交集云

九日奉寄嚴大夫

時徐知道擬劍閣距嚴武不
得出公有此詩通鑑似悞

九日應愁思經時冒險艱不眠持漢節何路出巴山

四句奉寄

之小驛香醪嫩重岩細菊斑二句寫巴山遙知簇鞍馬回首白

雲間

結出相憶

九日登臨已堪愁思况兵戈載道冒險難前遙想大夫此時漢節在手惟恐為賊得也劍閣既為兵阻不知巴山間道從何路可出耶巴山之處亮有小驛當此九日香醪必嫩定有重岩當此九日細菊初班公之歸節既藉韻于小驛重岩自應處按回首念我回首何在遙尔在白雲處處耳○是時徐知道雖殺劍閣尚未通公在梓潼之後嚴答詩云臥向巴山月落時正答公不眠持漢節二句跋馬望君非一度正答公遙知簇鞍馬二句

題玄武禪師屋壁

何年顧虎頭滿壁畫滄州赤日石林氣青天江海流錫飛常近鶴杯渡不驚鷗六句似得廬山意真從惠遠遊隱將

昔年有顧虎頭名畫以善畫傳但不知此間屋壁滄州景自何年畫者畫中石林赤日之間如見其氣畫中

江海青天之下如見其流其石林內有禪師飛錫至者
常近鶴也其江海中有禪師浮杯渡者不驚鷗也此畫
圖中石林江海有滄州之趣疑卽廬山路此畫圖中
飛錫渡杯者得虎頭一筆若真從惠遠遊畫真神矣

戲題寄漢中王三首

公自注時王在梓州初至斯酒不飲簡中有戲

西漢親王子成都老客星百年雙白髮一別五秋螢

四句牧別

忍斷杯中物祇看座右銘

二句斷酒

不能隨皂蓋自醉逐浮萍

二句戲意

王非他人卽西漢之親王子我儕殿光爲成都之老客
星此老客星百年忽忽功業不建所餘者止雙蓬髮耳
此親王子我與作別至于今五度秋螢矣王非不善飲
者何爲今日忍斷陶亮孟中之物但看崔瑗座右之銘
王旣隔酒何以追隨此老客星者亦自醉以逐浮萍而
已王使我自醉以逐浮萍王何以爲情哉○時王貶蓬
州刺史起句見不宜貶

策杖時能出王門異昔遊已知嗟不起未許醉相留四句言斷
蜀酒濃無敵江魚美可求終思一酩酊淨掃雁池頭四句

戲是

吾雖老猶能策杖從王而飲但王已斷酒穆生之醢未必為吾設則已異昔遊耳王異昔遊明知吾王因酒病而嗟不起則我雖能出亦誰許吾醉而一相留但王雖斷酒乃蜀酒之濃原無敵也甚可飲也既斷酒必除葷然江魚之美自可求也甚堪佐酒也吾終期酩酊思為王淨掃雁池如梁孝王不悅遊于兔園令賓客以解不悅之意則王病起酒可不斷矣○不起者謂王病酒不起本枚乘七發七發連用起字于音曰太子能強起聽之乎于味曰太子能強起嘗之乎于馬曰太子能強起乘之乎太子連曰予病未能嗟不起正用此以楚太子比漢中王以枚乘自兄博議引涇源不起亦是但三章中公只諷王斷酒並無自述潦倒之意

群盜歸無路衰顏會遠方二句王在梓州尚憐詩警策猶憶酒顛

狂魯衛彌尊重徐陳畧喪亡空餘枚叟在應念早升堂六句

昔憶我在梓以知道昨亂欲歸成都無路耳不圖王亦來梓忽相晤語往日我詩營策王尚憐之否往日我酒顛任王尚憶之否王于本支是魯衛不比他藩客于王門爲徐陳在者已少今日但有我爲枚乘耳往日登堂論交爲時最早王亦應念何忍斷酒使我老而寂寞哉○觀公醉爲馬墜詩甫也諸侯老賓客罷酒酣歌拓金鞍騎馬忽憶少年時散蹄迹落瞿唐石其少年遊王門酒態顛狂大畧可見謝惠連雪賦序梁王不悅遊于兔園乃置旨酒延枚叟應念不是空念應念昔日置酒延叟不似今日斷酒也

歡月呈漢中王

夜波露氣清江月滿江城浮客轉危坐歸舟應獨行關山同一照烏鵲自多驚六句欲得淮王術風吹暈已生

歡月結出呈王

之

露清夜淨月出滿城月可玩也我為浮客當此月下危
生難安王之歸舟當此月下獨行無耦夫歸舟雖獨行
乃月到則山南來則照浮客當危坐似月明烏鵲無枝
可候露氣雖清吹至吾聞淮王有缺暈之術王即
修王不謬能為吾一試此術否○淮南王畫盧灰月暈
缺風吹暈光月光已失淮王之術安在使月暈不解王
以不使前宗昭收街馬至遭貶斥一片丹心照臨不及
如月被暈不能整物高力士傳亦云李輔國竊弄威權
拂其意者不死則流一郡王瑀是也輔國官豎擅權藏
主使親王貶斥是風吹暈生之象淮王之術能解月暈
漢王之誠難格主心故聊為解嘲
語曰欲得淮王心故聊為解嘲
次暈已生

相從行斯嚴二別駕

我行入東川十步一回首成都亂罷氣蕭瑟浣花草堂亦
何有四句叙入梓梓州豪俊大者誰本州從事知名久把臂開

尊飲我酒酒酣擊劍蛟龍吼烏帽拂塵青螺粟紫衣將炙

緋衣走銅盤燒燭光吐日夜如何其初促膝以上叙相黃

得始扣主人門誰謂俄頃膠在漆萬事盡付形骸外百年

未見歡娛畢神傾意豁真佳士久客多憂今愈疾高視乾

坤又可愁一軀交態同悠悠垂老遇君未恨晚似君須向

古人求以上叙相

從交誼

我入東川回首成都家在其處乃亂罷後置草堂不顧
者以東川有從事可依從事豪俊又豪俊之大者一見
把臂能飲我酒也酒酣舞劍聲吼蛟龍帽上拂塵紋生
螺粟于時行酒者有紫衣有緋衣將走者走燒燭
吐光飲酣矣夜淡促膝情密矣犬黃昏扣門不以舍猝
為辭每有良朋不可多得茲于俄頃間如膠在漆使人
萬事一旦都捐一若百年歡娛從此可畢者是必神能
傾意能豁為真佳士故能使我客憂減宿疾瘳今日乾

坤內命爲一軀無間交態悠悠者何可勝
數乃垂老遇子真當于古人中求之也已

嚴氏溪放歌

天下兵馬未盡銷豈免溝壑常漂漂劍南歲月不可度邊
頭公卿仍獨驕費心姑息是一役肥肉大酒徒相要嗚呼

古人已糞土獨覺志士甘漁樵以上說况我飄轉無定所終

日慊慊忍羈旅秋宿霜溪素月高喜得與子長夜語東遊

西還力實倦從此將身更何許知子松根長茯苓遲暮有

意來同煮以上嚴氏溪

天下兵馬到處未銷我生漂漂難免溝壑天下如此故
客劍南乃劍南不可居者又然夫劍南爲邊頭不可居
者節鉞騷寒無禮也夫君子愛人以德細人愛人以姑
息若屬要人不過酒肉夫富貴騷人賢者納履酒肉何

物族以騁人。今人如此。因思古人。又嘆古人不可復作。
徒令志士甘漁樵而不返也。我今流落無依。棲皇幘轉。
幸于秋夜。宿此霜溪。素月既高。與子長話。自嘆東遊梓
州。西還未能。此身舍子。更將何許。子霜溪之上。幸有松
根。松根之底。必有茯苓。此物延年。遲暮可服。今日此來。
將與子斲苓同煮。駢此頽齡。又何慕乎。邊頭公卿。肥肉
大酒哉。○曰志士非邊頭。公卿之北。曰松根茯苓。非肥
肉大酒之北。曰遲暮有意來同煮。非酒肉徒相要者之北。
述古三首

赤驥頓長纓。非無萬里姿。悲鳴淚至地。爲問馭者誰。
此喻賢人
不能遇主。鳳凰從東來。何意復高飛。竹花不結實。念子忍朝飢。
此喻賢人
不能得祿。古時君臣合。可以物理推。賢人識定分。進退固
其宜。
四句發明

悲賢人。赤驥有萬里之姿。今抑首悲鳴。垂淚至地者。
馭非其人耳。鳳凰東來。本羽儀天下。今高飛而去。良由

竹花無實且忍朝飢耳觀赤驥可知君臣矣古來君臣
契合亦由英雄之主能取長才可即赤驥之理以相推
也觀鳳凰可知賢人矣賢人擇主不得自有定外豈容
貪戀升斗致昧進退若使定分不守不有愧于鳳凰哉

市人日中集于利競錐刀置膏烈火上哀哀自煎熬此言此利

無農人望歲稔相率除蓬蒿所務穀爲本邪贏無乃勞此言此

有益益舜舉十六相身尊道何高承務本意泰時用商鞅法令如

牛毛承買利意

遇理財者莫貪利于市人其口中爲市雖末必爭不
知其所得之利如置膏烈火而熬立盡耳豈若農人所
望歲稔所除蓬蒿蓋穀爲農本比之市人謂邪贏優而
足恃與徒勞耳况有國家者所用得人則本計不失如
舜所舉者十六相以六府三事委之而已不勞身何尊
道何高也所用夫人則言刑悅與如秦所用者一商鞅
耳商鞅與利不遺餘力法令愈密民愈輸寃亦何利之有
今日如商鞅者豈無人尚法舜鑒秦哉○寶應間元載

代劉晏專判財利按籍舉八年租調之違負者計其大數籍其所有謂之白著故曰商鞅註家謂指劉晏第五琦非也

漢光得天下祚承固有開豈惟高祖聖功自蕭曹來四句開創

須賢經綸中興業何代無長才吾慕寇鄧勳濟時亦良哉

佐耿賈亦宗臣羽翼共徘徊休運終四百圖畫在雲臺八句中興

須賢

諷諸將漢朝中興阿推光武蓋其天下失而復得也
邇其祚承創自高帝高帝雖聖一時佐命蕭何曹參與
有功焉開創且然何況中興與古來經綸中興者必有長
才以佐之即如光武若寇恂若鄧禹皆濟時良佐若耿
介若賈復亦羽翼宗臣有此諸將所以漢家休運復有
四百年即二十八將丹青炳然亦得列于靈臺毋愧高祖
時開創諸臣今何如也○此詩傳註專指僕固懷恩非
也肅宗中興諸將惟郭子儀始終不愧李光弼懷節可

議來與諸人更不足道以視高祖時創業諸將如李世
勣尉遲敬德之流圖畫凌烟閣者奚翅霄壤故有感而作
光祿坂行

時必自梓歸
成都迎家

山行落日下絕壁西望千山萬山赤樹枝有鳥亂鳴時暝
色無人獨歸客馬驚不憂溪谷墜草動只怕長弓射

六句
光祿

坂安得更似開元中道路即今多擁隔

二句
感慨

梓州銅山縣有光祿坂我循坂而行荒荒白日已下絕
壁西望成都一片夕陽耳伴我行者不過枝頭鳥啼天
邊暝色况山行之際馬驚墜谷草疑伏莽乎往時開元
李開行人萬里不持寸兵今日道梗至此回首開元真
隔世也公憶昔開元全盛日小邑猶藏萬
家室九州道路無豺虎遠行不勞吉日出此日安得更
似開元中盛衰之感漢矣

客舊館

此題或編未赴闕以前或編移居公安時今疑是公
往還梓州成都時來時有客亭詩去時宜有舊館詩

陳跡隨人事初秋別此亭重來梨棗赤依舊竹林青風慢

何時卷寒砧昨夜聲六句無由出江漢愁緒日冥冥二句

天地間來往皆陳跡每隨人事日遷也即此客館初秋
別時梨棗未赤忽焉已赤初秋別時竹林正青依舊仍
青館中有慢昔所設者不知是何時而卷館外有砧今
所聞者猶然如昨夜所聞一往一來無非他鄉欲歸故
園必出江漢惜乎無由而出愁緒冥冥殆與日俱長也
已○卷是着力字須用聽字對且不出韻公決是昨夜
聽聲字必係
傳寫之誤

秋盡

秋盡東行且未回茅齋寄在少城隈籬邊老却陶潛菊江

上徒逢袁紹杯雪嶺獨看西日落劍門猶阻北人來六句

去成

都還梓州不辭萬里長爲客懷抱何由得好開二句感懷

秋盡矣從此東行何日得還顧此茅齋亦聊寄少城隈耳茅齋有菊今日籬邊空老陶詩之菊亮無白衣送酒之人矣草堂臨江往昨江上徒逢袁紹之杯難挽劍閣獨留之轍矣既已攜家東行回首雪嶺西日已落覺獨看而淒絕極目劍門北人未來豈猶阻而難通夫世難未夷家鄉不保萬里爲客何辭之有但此生懷抱前年鬱鬱何日得聞况當秋盡又東行也○公在草堂時仲夏嚴公枉駕自携酒饌此時竹裏行厨花邊立馬真不減河朔避暑之快嘆今不可復得爲此追憶語曰江上徒逢袁紹杯升庵引袁紹要鄭玄大會賓客一事公自况爲儒遭世難本是

遊射洪通泉詩寶應元年

野望

金華山北涪水西仲冬風日始淒淒山連越巒嶂三蜀水

散巴渝下五谿

四句野望

獨鶴不知何事舞，飢鳥似欲向人啼。

射洪春酒寒仍綠，目極傷神誰爲攜。

四句野望所感

射洪有金華山，有涪水。山北水西適當仲冬，風日宜淒淒也。此金華山北，聯越巖其勢遠，蟠于三蜀。此涪水西，最巴蜀其支下及于五谿，野望遼濶如此，最難爲情者。兩鶴飢鳥當此淒淒風日，不知何事而舞，似欲向人而啼。我作客他鄉，猶之獨鶴。我旅食無計，卽是飢鳥。此時非無射洪美酒，可慰淒淒之客，但極目傷神，誰爲我携一解此獨鶴飢鳥之愁也。

冬到金華山觀因得故拾遺陳公學堂遺跡

涪右衆山內，金華紫崔嵬。上有蔚藍天，垂光抱瓊臺。

四句金華

山繁丹接絕，壁杖桀窮紫。迴四顧，俯層巔。淡然川谷開。

四句

到雪嶺，日色苑霜鴻。有餘哀，焚香玉女跪。霧裏仙人來。

四句

山觀陳公讀書堂石柱仄書苔悲風爲我起激冽傷雄材

四句拾遺故跡

濟山衆矣最高者莫如金華故于衆山內獨崔嵬其紫也山色紫則天光青若蔚藍然以蔚藍天下臨崔嵬峰而播臺在其中有廻抱之象蓋觀在山中也于焉繫舟山下築杖山上層巒盡俯川谷皆開惟是時值窮冬雪嶺落日苑而無光霜鴻苦寒聲復哀絕少爲入觀但見玉女跪而焚香仙人來于霧裏陳公安在所遺讀書舊堂佳歎苦沒但有悲風激冽耳豈非陳公雄才不幸遇害故悲風亦爲感傷云○蔚藍謂茂蔚之藍天之青色陳拾遺故宅

拾遺平昔居大屋尙修椽悠揚荒山日慘澹故園烟

四句故宅

位下曷足傷所貴者聖賢有才繼騷雅匠不比肩公生

楊馬後名與日月懸

六句傷拾遺

同遊英俊人多秉輔佐權彥

昭超玉價郭震起通泉

對照位下等句

到今素壁滑灑翰銀鈞連

盛事會一時此堂豈千年

對照日月懸等句

終古立忠義感遇有

遺編

說合聖賢等句

陳公辭世未久其焚宅尙有修椽無奈日色悠揚寒烟

慘澹也陳公生前不遇死後含冤可想見云當年以陳

公才官正字終拾遺位不顯矣然不足傷古今所重者

聖賢而況其才又足繼騷雅豈無哲匠不敢比肩故能

繼子雲相如名懸日月若論高位何必陳公才共當年

同時英俊多登台輔如趙彥昭郭元振一則逢善價官

侍郎一則起通泉封代國似與陳公之才高位下者異

今兩人于陳公故宅素壁之上皆有翰墨然堂在則翰

墨在堂亡則翰墨亡安能共垂千年如陳公之比楊馬

懸日月當年陳公本于忠義發為文章其感遇諸詩皆

慨嘆武庫華命事旨寓神仙心灰唐室此其志真

與日月爭光信乎位下曷足傷所貴者聖賢也

謁文公上方

野寺隱喬木山僧高下居石門日色異絳氣橫扶疎窈窕

入風磬長蘿紛卷舒庭前猛虎臥遂得文公廬俯視萬家

邑煙塵對塔除以上我師雨花外不下十年餘長者自布

金禪龕只晏如大珠脫玷翳白月當空虛四句南也南北

人蕪蔓少耘鋤久遭詩酒汚何事忝簪裾王侯與螻蟻同

盡隨丘墟願聞第一義回向心地初金篦刮眼膜價重百

碑渠無生有汲引茲理倘吹噓以上是詞文公之意

野寺在喬木中山僧不一或高或下而居有何足異所

異者石門日色絳氣扶疎耳而况石門之內風磬何幽

風磬之傷聲藉其然莫猛如虎臥而馴伏因契文公道

力迥出山僧文公精廬亦不在山僧高下之數而出萬

家上刪塵表也文公即志公說法之餘能使天爲雨花

今文公在雨花外不下山者已十餘年長者自來布余

文公曾不動念。良由性地圓明。一塵不染。如珠脫翳。似月當空耳。若甫南北奔走。心境荒蕪。無詩酒交游。簪纓泰。竊今月方悟。王侯蟻蟻同一丘墟。恒河沙數。都作是觀。我來虔謁。更無他意。願聞妙義。回心大乘。庶幾壯者皆。宋直參三昧耳。惟是眼膜既久。不能見性。誠得金篦一刮。即價重碑渠。豈我吝哉。彼一切妙法。本來無生。生且無也。何有于施。是在我師汲引。特將此理。吹噓下愚。我師備有意否。○茲理即無生之理。即心地初之第一義。即照站騎之大珠。即當空虛之白月。即天花馴猛虎。皆是物也。

奉贈射洪李四丈

丈人屋上烏。人好烏亦好。人生意氣豁。不在相逢早。四句

南京亂初定。所向色枯槁。遊子無根株。茅齋付秋草。四句

起遠東征。下月曠挂席。窮海島萬里。須十金妻孥。未相俦。

蒼浪風塵際。跼蹐驥驥。老志士懷感。傷心胸已傾倒。以表

贈意

我聞愛其人者愛其屋上之烏。今在射洪見愛于四丈。是四丈能愛其人。愛其人須推愛人之愛。以及屋上之烏。卽我妻孥有賴矣。蓋由人生相與在意氣意氣豁然。傾蓋如故。今日成都亂後。氣象蕭條。雖有草堂。久付秋草。計惟東征。乘梓浮海。但此行萬里。資斧止須千金。而妻孥靡托。爲是耿耿。自傷風塵踴躍。同于老馬。所望志士傾倒心胸。得邀覆庇。則屋上之烏有托。而東征得果。四丈志士亮爲我感傷。推烏愛哉。○時公欲下渝州。托妻子于李四丈。觀起處人好烏亦好。句及中間妻孥未相保句。非無謂也。

早發射洪縣南途中作

將老憂貧喪筋力。豈能及征途。乃晨星得使諸病入鄙人。

寂道氣在困無獨立。

六句早發之故

儼裝逐徒侶。達曙凌險澁。寒

日出霧遲清。江轉山惡僕夫行。不進驚馬若維繫。

六句早發

江

洲稍疎散。風景開快悒。

二句南縣途中

空慰所向懷。終非曩遊集。

衰顏偶一破勝事難屢挹茫然阮籍途便灑楊朱泣
以上
早登

我年老出門筋力甚憊况戴星而行易致寒疾何不固
窮家居也身為鄙人既寡道氣困而在困不能獨立下
得已遠適療貧耳促裝戒塗犁明交險但見寒日山霧
清江轉峽路難如此僕馬不前少焉已足射洪縣而途
中江洲在前風景疎散吾心挹快忽焉而問但旅懷差
錯終非遠遊衰顏雖破勝景難再窮途之哭仍為時
岐路之悲竟揚子亦何日得免行役哉○世之處困
窮者未有不自命為有道氣能獨立及其失足一蹶不
振此時道氣安在獨立安在公曰鄙人寡道氣在困無
獨立益既已飢寒向人妻孥失所縱使有道氣能獨立
到此亦不能自解昔者仲尼厄于陳蔡召弟子問曰匪
兇匪虎率彼曠野吾道非耶何為至此弟子曰意者夫
子未智未仁也由此觀之古來聖賢遭此困窮亦有不
能自信之一日况如阮籍窮途楊朱岐路當此時猶旋
言曰我有道氣我能獨立多見其不知進退也公曰豈
道氣知其有道氣公曰無獨立知其能獨立與強顏者

自
吳

通泉驛南去通泉縣十五里山水作

谿行衣自濕亭午氣始散冬溫蚊蚋集人遠鳬鴨亂登頓

生層陰欹傾山高岸驛樓衰柳側

以上通泉驛

縣郭輕烟畔一

川何綺麗盡日窮壯觀山色遠寂寞江光夕滋漫

以上南去十五

里山傷時愧孔父去國同王粲我生苦飄蓬所歷有嗟嘆

水
四句
底懷

向曉而谿行濕亭午而水氣收蚊蚋夏重冬溫則集小
虫有負暄之情鳬鴨避人入遠則亂微禽有遠害之喜
登頓盡而層陰生欹傾交而高岸出通泉地近山水所
歷有如此未幾至通泉驛驛樓枕衰柳之間未幾至通
泉縣縣郭倚輕烟之裏此地去縣十五里有沈家坑一
川綺麗壯觀難窮況山色悠然江光無限可傷者我之

哀時有愧尼父我之去國何異仲宣
既無往不飄蓬宜所歷有嗟嘆也

過郭代公故宅

豪雋初未遇其跡或脫落代公通泉尉放意何自若及夫

登究冕直氣森噴薄磊落見異人豈伊常情度

以上叙其才定

策神龍後宮中翕清廓俄頃辨尊親指揮存顧托群公見

慙色王室無削弱迥出名臣上丹青照臺閣

以上叙其功

我行

得遺跡池館皆疏鑿

二句故宅

壯公臨事斷顧步涕橫落高詠

寶劍篇神交付冥冥

四句追嘆

豪傑未遇大抵脫畧代公亦然避其起家不遇通泉尉
耳乃放曠自得何嘗以小官介意及登究冕挺直節磊
磊落落舉動非常情可測者計代公一生其功名最著
莫如諫太平公主一事當時代公諫太平公主在先天

二年乃公主擅寵始于中宗神龍而下我邇其胎嗣之
由則代公實定策于神龍後也太平誅宮禁濤玄宗得
尊位而君臣之義明玄宗得親傳而父子之倫正肅宗
付托之意亦以不負藉非代公定策如舉朝宰相當立
宗誅逆虜宗御朝時皆端端走伏外肖又誰爲總兵扈
從宿中書省二十四日宜乎群臣有慙色也幸而王室
如故不至削弱其功名迥出名臣上丹青繪像又何惡
與今代公已往故宅尚在我臨池館想其風烈以爲當
年定策宮掖指揮不遺餘力者皆由其臨事能斷今日
若有代公其人宮掖之死如太平公主者不難立前所
出顧步涕橫耳定策之功不可復得寶劍之篇至今尚
留惜乎高咏之餘神交冥漠不能起異人于往日是可
慨也○壯公二句似有慨于輔
國良娣寶劍篇曾見知于武后

觀薛稷少保畫壁

少保有古風得之陝郊篇借哉功名忤但見書畫傳我遊
梓州東遺跡涪江邊畫藏青蓮界書入金牕懸

以上出
書畫仰

看垂露姿不崩亦不蹇鬱鬱三大字蛟龍岌相纏

四句又

揮西方變發地扶屋椽慘淡壁飛動到今色未填

四句此

行艱壯觀郭薛俱才賢不知千載後誰復來通泉

以感慨結

少保古風一篇秋曰還京十里陝西作也豈特詩兼有書畫所惜者功名不終但傳書畫流落于梓州涪江徒見其畫藏運界書入胸懸耳書法有懸針垂露者少保筆法正合垂露之姿我仰看金瓶不蹇不崩亦只曾慧寺三大字乃寶愛之至至刻畫蛟龍以纏之岌岌然高懸不墜書入金瓶懸者如此他畫不盡見就此曾慧寺屋壁所畫西方變相下發地上扶椽其中變相慘淡飛動歷年雖久丹青未渾畫藏青運界者如此惜乎書畫徒傳功名難問耳我來通泉既觀代公故宅又觀少保書畫何多壯觀蓋由當年少保與代公同遊太學俱號賢才故今日通泉都有遺跡我來亦偶後之來者反不知何人流連嘆賞于此耶○少保古風爾來陝郊益山詩中有操禁無昔老采薇有遺歌二語公意少保當年處太平公主之變既不能如代公定策又不能遇實

家貞逆謀以比操蔡老無致主中興之列以比采薇人
無乃心王室之忠故卽借其古風以起興惜哉功名惜
五字大
是悲痛

通泉縣署屋壁後薛少保畫鶴

薛公十一鶴皆寫青田真

提一真字作骨

畫色久欲盡蒼然猶出

塵低昂各有意磊落如長人佳此志氣遠豈惟粉墨新萬

里不以力群遊森會神威遲白鳳態非是倉庚隣

以上畫鶴所謂

真青田

高堂木領覆幸得憫佳賓曝露牆壁外終嗟風雨

頻西句點

赤霄有真骨耻飲灣池津冥冥任所往脫畧誰

能馴

以真鶴結

世傳青田山鶴畫者雖得其真薛公畫鶴其數十一皆得其真故畫久色盡出塵之姿蒼然如生此十一鶴或

低武邱各有意態。落落皆如長人不獨形。其氣不
傳神。蓋由畧粉墨。向志氣故十一鶴各有萬里之勢。不
以力聚。以神運。其委蛇之度。彷彿白鳳。誠得其氣也。今
此詩在縣署屋壁。幸而高堂未圯。得慰佳賓。但恐燥濕
不時。暴露風雨。牆壁一圯。畫難保矣。夫畫鶴終嗟風雨。
昔真骨自在雲霄。耻飲滂泉。真真遠舉。夫豈人所能馴
者。以視十一鶴又何如哉。少保于畫懷貞附太平。既
知而不能除。又不能去。有愧于鶴之落落出塵矣。少保
誠超然遠引。免于禍患。則志氣遠舉。是即真鶴。惜乎能
畫鶴不能自置其身于真鶴。若不免于滂池之飲者。誠
足惜也。

陪王侍御宴通泉東山野亭

江水東流去。清尊日復斜。異方同宴賞。何處是京華。亭景

臨山水。村烟對浦沙。

應江水二句

狂歌遇形勝。得醉即爲家。

應

江水東流客不能與俱東况清尊在手白日已暮豈以
異方宴賞遽置長安不問耶顧此野亭在東山則臨山
對江流則臨水遠望村烟起于沙上誠形勝之地
雖京華是我家既逢宴賞將醉鄉而卽我家也已

陪王侍御同登東山最高頂宴姚通泉晚携酒泛江

姚公美政誰與儔不減昔時陳太丘邑中上客有柱史多

暇日陪聽馬遊東山高頂羅珍羞下顧城郭銷我憂

以上
登山

清江白日落欲盡復携美人登綵舟笛聲憤怒哀中流妙

舞逶迤夜未休燈前往往大魚出聽曲低昂如有求三更

風起寒浪湧取樂歡呼覺船重滿空星河光破碎四座賓

客色不動

以上泛
江之飲

請公臨淡莫相違回船罷酒上馬歸人

生會合豈有極無使霜露沾人衣

用微
戒結

姚公爲今日陳太丘有政聲矣王公爲今日桓御史眞
佳客也下時登山而宴可以銷憂姚公之興似猶未已
當此江清日落携美人登綵舟更爲泛江之飲清歌未
絕妙舞復作歌舞之餘遊魚出聽想其低昂水面一若
有求于人者俄而風起浪湧船爲不前星爲搖蕩何時
賓客歡呼取樂者今亦歛容而不敢動然則諸公臨漢
可不戒哉回船罷酒上馬遣歸信乎會合無常樂
不可極若使夜深忘返霜露沾衣諸公慎勿然也